


出生喜提心經
佛印三昧經



戴百
羊六

48764




元祿九年丙子二月日重脩

皇圖瓊閣 帝階綴呂

佛日增輝 懋輪常轉

山城州天安寺法金剛院置

此印藏



二經同卷第六

羊

出生菩提心經

佛印三昧經

出生菩提心經

隋天竺三藏法師闍那崛多等譯

如是我聞一時婆伽婆在王舍城迦蘭陀竹

園與大比丘眾百千人俱復與無量阿僧祇

不可說大菩薩眾所謂十方來集



尔時王舍大城有婆羅門姓大迦葉於睡眠

中夢見閻浮提內有大蓮華其華千葉光明

遍照三千大千世界微妙最勝七寶所成於

蓮華內見有月輪彼月輪內又見丈夫放大

光明普照一切此四天下所有衆生見斯光
者生大歡喜踊躍無量皆受快樂今時迦葉
婆羅門睡覺已念所夢事心喜生疑此何因
緣竟有何事於先現此未曾有相昔所未聞
如我夢見作是念已生大歡喜未曾見有復
作如是念此有沙門瞿曇我從他聞六年苦
行降伏魔衆證大菩提轉妙法輪摧諸外道
爲諸智人之所讚歎聰明善巧知諸事相我
今應往詣彼沙門瞿曇問此夢相

今時迦葉婆羅門夜旣過已從王舍城往詣
迦蘭陁竹園往到佛所到已頂禮佛足却住
一面住一面已如夢所見而向佛說時婆羅

門具說夢已。尔時世尊告迦葉婆羅門言。汝善男子。有四種善夢。得於勝法。何等為四。所謂於睡眠中。夢見蓮華。或見繖蓋。或見月輪。及見佛形。如是見已。應自慶幸。我遇勝法。尔時世尊欲重宣此義。而說偈言。

若有睡夢見蓮華
及以夢見於繖蓋

或復夢裏見月輪

應當獲得大利益

若有夢見佛形像

諸相具足莊嚴身

衆生見者應歡喜

念當必作調御人

尔時迦葉婆羅門聞此偈已。復白佛言。世尊。何者。是大利。諸衆生等。若為能得此利益。求菩提道。尔時佛告迦葉婆羅門言。大利者。所

謂一切智者是其利也時迦葉婆羅門復白
佛言世尊所言一切智利者有何因緣而可
得也尔時世尊為迦葉婆羅門而說偈言

我今說大利 婆羅門善聽 若有利和合

當作兩足尊 若作轉輪王 自在四天下

衆生欲作者 須發菩提心 若作梵天主

於衆得自在 衆生欲作者 須發菩提心

欲界及色界 無色及上界 衆生欲作者

須發菩提心 若有衆生等 若欲作實主

為實作導師 須發菩提心 若有衆生等

欲作大光明 破滅諸黑暗 須發菩提心

若有衆生等 欲滅諸顛倒 及以三有等

須發菩提心

若有衆生等

欲滅諸蓋障

及諸惡法者

須發菩提心

若有衆生等

欲滅於無明

及斷貪愛網

須發菩提心

若有衆生等

欲滅有及愛

及滅垢無垢

須發菩提心

若有衆生等

欲滅於我慢

及色使我慢

須發菩提心

若有衆生等

欲離於貢高

無病命我慢

須發菩提心

若有衆生等

欲滅老我慢

無常常住慢

須發菩提心

若有衆生等

欲滅多聞慢

及以持戒慢

須發菩提心

若有衆生等

欲滅蘭若慢

乞食等諸慢

須發菩提心

若有衆生等

欲滅知識慢

受糞掃衣慢

須發菩提心

若有衆生等

欲滅神通慢

一食以爲淨

須發菩提心

若有衆生等

欲滅一切慢

所有有爲慢

須發菩提心

若有衆生等

當欲供養佛

於先滅度者

須發菩提心

若有衆生等

當欲供養佛

所有諸如來

須發菩提心

若有衆生等

欲得轉法輪

世間無能轉

須發菩提心

若有衆生等

欲滅應當滅

當思所多思

須發菩提心

若有衆生等

當欲行梵行

初中後最上

須發菩提心

若有衆生等

欲攝諸精進

往來諸有中

須發菩提心

若有衆生等

欲說諸行苦

見衆生受苦

須發菩提心

若有衆生等

諸法無有我

欲爲衆生說

須發菩提心

若有衆生等

欲轉於法輪

欲觸上菩提

須發菩提心

若有衆生等

欲說寂涅槃

當證勝菩提

須發菩提心

如是等功德

發心者能得

梵志當問已

應行菩提道

尔時迦葉婆羅門聞此偈已復白佛言世尊發菩提心者應攝幾許福聚尔時世尊即以偈頌向迦葉婆羅門說如是言

若此佛刹諸衆生

今任信心及持戒

如彼最上大福聚

不及道心十六分

若此佛刹諸衆生

今任信心於法行

如彼最上大福聚

若諸佛刹恒河沙

復造諸塔如須弥

若有佛刹如恒沙

如彼最上大福聚

如鐵圍山高廣大

如是求福衆生等

若諸衆生具滿劫

如波最勝福德聚

如是人等得勝法

彼等衆生最勝者

是故得聞此諸法

不及道心十六分

皆悉造寺求福故

不及道心十六分

皆悉遍施諸七寶

不及道心十六分

造塔無量爲諸佛

不及道心十六分

若頭若膊常擔戴

不及道心十六分

若求菩提利衆生

此無比類況有上

智者常生樂法心

當得無邊大福聚

速得證於無上道

尔時迦葉婆羅門復白佛言世尊如是發菩提心者有退轉不是時佛告迦葉婆羅門言如是發菩提心者於解脫中無有退也但就事別有三種菩提何等爲三所謂聲聞菩提辟支佛菩提阿耨多羅三藐三菩提大婆羅門何者是聲聞菩提若善男子善女人發阿耨多羅三藐三菩提而不教他發菩提心不令他住亦不爲說如是經典不自受持亦不爲人廣說其義亦有親近是富伽羅而不承事供養所須若有來者及不來者亦不恭敬而於彼所不生隨喜以此因緣心得解脫婆

羅門是則名爲聲聞菩提復次何者是辟支
佛菩提若善男子善女人自發菩提心而不
教他發菩提心不令他住亦不爲說如是經
典不自受持亦不廣爲他人解說亦親近如
是富伽羅而不承事供養所須若有來者及
不來者亦不恭敬亦不隨喜以此因緣心證
辟支菩提是故名爲辟支佛道復次何者是
阿耨多羅三藐三菩提若善男子善女人自
發阿耨多羅三藐三菩提心亦復教他發阿
耨多羅三藐三菩提心既令彼住復爲人說
如是經典悉令受持親近如是富伽羅等承
事供養若有來者及不來者亦悉恭敬亦生

隨喜如此解脫自利利他為多人利益故為
多人安樂故憐愍世間利益安樂諸人天等
故名阿耨多羅三藐三菩提也以何義故名
阿耨多羅三藐三菩提於上更無有勝可求
是故名為阿耨多羅三藐三菩提今時世尊
欲重宣此義以偈頌曰

自發菩提心

不教他受持

因自心力故

於後獨涅槃

為自利勤劬

不教他受持

是故名沙門

佛子最勝師

彼發菩提心

教他生歡喜

是故自得道

果報如是知

自成不成他

諸仙中福田

得名為緣覺

婆羅門當知

自發菩提心

復脫多衆生

爲世作利益 故名佛導師 成就自利益
復令他解脫 此彼無差別 故名不思議
尔時迦葉婆羅門白佛言世尊解脫解脫有
差別不佛言婆羅門解脫於解脫無有差別
道於道無有差別乘於乘而有差別譬如王
路有象輦者有馬輦者有驢輦者彼等次第
行於彼路同至一城婆羅門於汝意云何如
是等乘有差別不婆羅門言大德世尊然彼
諸乘實有差別佛言如是如是婆羅門聲聞
乘辟支佛乘阿耨多羅三藐三菩提乘有差
別道與解脫無有差別婆羅門譬如恒河有
三種人有從此岸至於彼岸其初人者以草

爲筏倚之而度第二人者若以皮囊若以皮
船倚之而度第三人者造作大船乘之入河
於彼船中載百千人其第三者復勅長子安
置守護如此船舫所有衆生來者汝從此岸
度至彼岸爲多人等作利益故婆羅門於意
云何夫彼岸者有差別不婆羅門言不也也

尊佛復問言婆羅門於汝意云何彼乘之乘
有差別不婆羅門言所乘之乘實有差別佛
言如是如是婆羅門然聲聞乘辟支佛乘阿
耨多羅三藐三菩提乘實有差別婆羅門如
第一人依倚草筏從於此岸至於彼岸獨一
無二聲聞菩提應如是知第二人者若倚皮

囊及以皮舩從於此岸度至彼岸辟支佛菩提應如是知婆羅門如第三人成就大舩共多人衆從於此岸至於彼岸如來菩提應如是知今時世尊欲重宣此義而說偈言

路及解脫無有二
智者如是應校量

諸乘皆悉有差別
當取最勝最上乘

諸法教如是
勝者應當學

正覺說此言

揀擇諸法已

今時迦葉婆羅門復白佛言世尊菩薩摩訶薩當云何行云何念住得至摩訶衍今時佛告迦葉婆羅門作如是言婆羅門汝聽是義若諸菩薩摩訶薩如念修行至摩訶衍婆羅

門若善男子善女人自發菩提心亦教他人
發菩提心自樂修行勸他令修亦令他住復
為解釋如是修多羅義如是等富伽羅人不
來親近承受接事當以四攝而攝取之何等
為四所謂布施愛語利益同事亦時世尊欲
重宣此義而說偈言

種種大布施

一切所有物

欲攝受他故

菩薩無畏者

示現引接道

衆生不依來

能以妙善語

數數當安慰

為自他安樂

彼所生善處

晝夜常隨順

如是衆生等

不信教令信

破戒令住戒

慳慳令布施

一切巧利益

教人行菩提

牢固常精進

同於利益事

智者如教行

如此智慧者

菩薩之導師

智慧所行者

常樂於大乘

勇猛是最勝

智者應當學

以彼勝法故

最勝到彼岸

尔時迦葉婆羅門復以偈頌而白佛言

大德示彼行

菩薩諸導師

當學彼所行

得至兩足尊

為我說彼行

及行行所依

菩提深廣大

慈愍願為說

尔時世尊告迦葉婆羅門言善哉婆羅門諸

菩薩有三種行何等為三所謂天行梵行聖

行婆羅門於中何者名為天行若有善男子

善女人以慈身業以慈意業以慈口業遍滿

東方無量世界慈行充滿行此遍已復能善
入南西北方四維上下皆以慈身業慈意業
慈口業普遍充滿是名天行於中何者名為
梵行所謂四無量何等為四慈悲喜捨是名
梵行婆羅門於中何者名為聖行所謂三解
脫門何者為三空無相無願是名聖行今時
世尊欲重宣此義而說偈言
勇猛行精進 菩薩之導師 若有具天行
是人樂菩提 聖行及梵行 是行聖所說
若有修行者 是人得不動
今時迦葉婆羅門復以此偈而白佛言
我樂深菩提 今問大導師 此等當來世

如何集諸行

為後衆生等

故我問世尊

於佛菩提中

我意無分別

令我發道心

利益衆生故

尔時世尊復以偈頌報彼迦葉婆羅門言

說此修多羅

令發大菩提

梵志佛菩提

未曾有分別

說此修多羅

令發大菩提

能斷一切疑

隨順衆生問

說此修多羅

令發大菩提

能斷一切疑

稱彼衆生欲

得聞此經者

彼於未來世

能行大布施

至於檀彼岸

得聞此經者

彼於未來世

護持戒無缺

至於戒彼岸

得聞此經者

彼於未來世

行忍為衆生

至於忍彼岸

得聞此經者

彼於未來世

精進為衆生

至於精進岸

得聞此經者

彼於未來世

常入諸禪定

至於禪彼岸

得聞此經者

彼於未來世

為衆求勝智

至於智彼岸

已曾作供養

憐愍衆生者

得聞此經典

後世到其手

比丘住蘭若

意欲佛菩提

得聞此經者

於後最先得

過去數億佛

已持此經典

為利諸菩薩

發起意欲故

若有婆羅門

欲樂佛菩提

彼時得信已

是經至其手

我見彼衆生

悉如彼所行

亦知彼名字

我見悉無礙

一切願具說

恐迷未來人

懼彼起諸過

是故少分說

尔時迦葉婆羅門復以此偈而白佛言

大德此善持 令生廣大意 此世大丈夫

不久我當作 過去及未來 導師之所說

為彼生善利 故住於菩提

尔時世尊復以偈報婆羅門言

彼等住此智 為誰之所說 已知彼心行

我今當記彼 所聞此經者 今現在我前

彼等於後世 此經當現前 若有諸女人

抄寫此經典 此經當在手 能生大菩提

我於先已說 比丘樂蘭若 手得此經典

於後當現前 比丘聞此經 悲泣而兩淚

我先作何業 今世得此利 我於如是經

未曾善思惟

我已得授記

何業獲此果

我昔婆羅門

依於比丘活

時比丘放逸

說此修多羅

梵志於彼聞

時至而乞食

泣淚已行出

是時心作願

我於修多羅

鈔義及文字

後世作證明

亦復作擁護

以彼善業果

於彼後末世

得此修多羅

執持在其手

彼時有比丘

悲泣淚滿目

當時作懺悔

後得此經法

於先業滅盡

彼時有相現

於其睡夢中

得此修多羅

生死諸流轉

欺誑大恐怖

斯由阿弥陀

願力如是果

破戒諸比丘

為他所輕賤

如是多諸過

流轉大恐怖

如是多諸惡

由得聞此經 當至彼邊際 於後常顯曜

尔時迦葉婆羅門復以此偈而白佛言

此大修多羅 令發大道心 為我及未來

分別廣宣說

尔時世尊復以偈告迦葉種姓婆羅門言

未來諸音聲 乃至我所說 此是廣經典

是故汝當知 說此大經典 此當作阿含

當作秘密藏 聲聞所修學 此處之所說

及餘得道者 此是諸經母 梵志如此知

彼時諸比丘 於我滅度後 雜及長阿含

復名中阿含 彼時有阿含 其數名增一

復說雜經典 篋藏聲聞說 復當作毗尼

亦作阿毗曇

或於三篋藏

得名諸比丘

八萬有四千

法聚我已說

一切從此出

名為最勝經

於此說聲聞

及說辟支佛

諸智之根本

不思議經典

世間之所有

三界未現者

諸福之根本

由發菩提心

施戒等功德

忍辱精進行

禪定勝功德

此經中善說

智慧勝功德

解脫忍寂滅

一切皆示現

此經中善說

苦集及以道

寂滅於此現

諸法皆佛法

此經之所說

說諸苦無常

亦說無我法

說寂淨涅槃

在此修多羅

此處說聲聞

所住諸因緣

大乘此經典

攝受一切法

諸法甚廣大

在於善提心

此為最勝典

普說修多羅

現前見諸佛

及為彼說法

當時現前聞

斯由此經典

三界諸衆生

少有聞此經

聞已生愛樂

為求佛乘故

今時迦葉婆羅門復白佛言希有世尊若諸

衆生無有智慧若聞如是無上無邊乃至如

是等衆生當無有智慧若如是等無邊無上

修多羅聞已不能於此法中不生堅固樂欲

大德世尊有何因緣既有如是妙法然彼衆

生而當虛過也

今時佛告彼婆羅門言此三千大千世界有

百俱致

凡言俱致者隨數千萬

諸魔宮殿彼一一魔有

俱致數魔衆眷屬圍遶彼諸魔輩常勤方便
欲滅此經作種種因緣因彼因緣隨所在處作
諸障礙所以者何若以三千大千世界所有
衆生皆悉得於阿羅漢果若有善男子善女
人聞此修多羅已當發阿耨多羅三藐三菩
提心婆羅門以是因緣令俱致數諸魔勤求
方便欲滅此經所以者何婆羅門此修多羅
是一切諸法種性根本以是義故俱致諸魔
勤求方便欲滅此經

尔時佛告婆羅門今有修多羅名曰破魔衆
會汝等受持讀誦即得破彼魔天衆會婆羅門
譬如日輪既出現時能滅一切幽冥黑暗如

是如是婆羅門說破魔眾會修多羅時一切
諸魔隱沒不現婆羅門何者名為破魔眾會
修多羅尔時世尊即說陀羅尼曰

多^上經他^一阿崙暮大那^{二上}菩提三摩陀波那

多^三伏哆^四紆伏哆^五怛怛羅伏多^六尼興^{蛭蠅}

伽魔^七波羅破八多羅破九哆嘘^十隆^{洛中}伽

磨伽魔那^{一十}毗唎磨^{二十}磨素磨^{十三}系^上履婆

伽磨^{十四}毗達囉魔^{十五}大囉麴磨^{十六}阿羅彌羅

七伊迦叉邏那喻^六

婆羅門此陀羅尼是過去未來現在諸佛世
尊同說此破魔眾會修多羅婆羅門說此破
魔眾會修多羅時一切魔宮皆悉震動大動

搖大搖一切諸魔各各從彼本坐顛倒墮落
不能語言所以者何彼等常爲多人作不利
益常爲多人作苦惱事令失利益以是事故
現得如是恐怖果報如佛世尊常與一切衆
生樂故乃至慈悲喜捨是故令彼諸波旬等皆
生恐怖婆羅門若復有人當能轉此發菩提
修多羅者於彼人所無有障礙若諸天龍夜
叉若人非人若魔魔子若魔眷屬若水火刀
杖若惡行者若諸惡獸若身所行惱若意所苦
而有受者無有是處何以故彼善男子善女人
常爲多人作利益事安樂故常爲多人作憐
愍故爲諸天人等作覆護故彼等諸善男子

善女人慈行力故應如是知婆羅門彼善男子善女人不作身惡行不作口惡行不作意惡行故彼等諸苦事不逼其身亦不逼心婆羅門此因緣故能滅一切苦今時世尊欲重宣此義而說偈言

魔勤於此經 當欲壞滅之 是故此經典

調御今為說 今魔悉迷亂 叢聚坐戰慄
相視不能言 此惡行果報 恐怖衆生故

常懷作惡心 顛倒而墮落 是故得現報

慈悲和合者 喜心有所說 平等說法時

惡心意悉散 降伏諸魔王 及散魔軍衆

夜叉諸鬼等 自然皆墮落 彼刀仗不害

水火不漂然 言說呪詛毒 不能有傷害
逼身及逼心 彼等不曾有 常當所作誓
身口如是住 閉塞諸惡道 遠離一切難
諸魔悉摧滅 為說此經故 一切法巧智
若欲度彼岸 須聞此經典 聞已即能學
若能學此經 無畏諸菩薩 最上覺菩提
是向菩提句

佛說此經時迦葉婆羅門及諸大會眾乾闥
婆天人阿脩羅等聞佛所說歡喜奉行

出生菩提心經

佛說佛印三昧經

後漢三藏安世高譯

佛在羅閱祇耆闍崛山中時摩訶比丘僧萬
二千人皆阿羅漢時諸菩薩有四百億萬人
皆賢者如彌勒輩也及八方上下諸菩薩稍
增無央數不可復計皆飛到佛所前以頭面
著佛足起遶佛七匝却坐上下相次百億萬
重不可復勝數文殊師利菩薩最高才第一
光明智慧與諸菩薩絕異無能及者時佛坐
三昧佛身神外衣中衣佛坐光照悉不現即
八方上下無數佛國悉皆明諸有佛國皆自
然供養諸佛菩薩及辟支佛羅漢諸比丘僧

八方上下無數諸佛各遣諸菩薩飛到佛所
坐處邊坐諸菩薩皆會其數如恒水邊流沙
一沙者爲一菩薩如是四十恒邊沙皆悉上
下相次一菩薩者自然坐一大蓮華上佛都
却化天地界數千萬里諸菩薩皆坐滿其中
已彌勒菩薩等及舍利弗即前叉手問文殊
師利菩薩言仁者最高才佛向者三昧今皆
不現不知所至疑當有意願欲聞之文殊師
利謂彌勒言仁者高才旦暮當作佛舍利弗
者卿是佛弟子得羅漢道最智慧才猛何不
各自一心坐禪推索佛身神知何如行乎即
諸菩薩及阿羅漢等無央數皆坐一心推索

八方上下無數諸佛國無窮無極無有能知
佛身神處者彌勒菩薩等舍利弗等復長跪
叉手問文殊師利菩薩我等一心推索佛身神
無能知處者願欲知其說文殊師利言皆悉
安坐須臾頃自當來還聞佛還劇坐坐中皆
見佛來還時皆歡喜起爲佛作禮禮彌勒菩
薩等舍利弗等前長跪叉手問佛向者三昧
時佛身神外衣中衣皆悉不現亦不知如行
我等共一心禪索佛身神八方上下無窮無
極了不知佛處願從佛聞佛言所至到處者
大深非汝曹所知也獨諸佛自知之耳
佛言三昧者甚難值也與相值聞知者甚快

不可言也所以者何甚難聞也佛言諸菩薩
求道奉行六波羅蜜不毀失千億萬劫尚不
能得值佛三昧時亦不能得聞知佛三昧名
也復行六波羅蜜精進不懈三千億萬劫聞
佛三昧名與相值尚復不信向之有也復行
六波羅蜜不毀失七千億萬劫聞佛三昧者

尚復不信向之有也復行六波羅蜜不毀失
八千億萬劫聞佛三昧名者乃信向值之耳
信向有者一時之間若與相值者心中歡喜
踊躍一日一夜勝復行六波羅蜜却後三千
億萬劫也所以者何聞知三昧者其後求道
得佛疾佛三昧名者是摩訶般若波羅蜜經

智慧印也菩薩求道得聞摩訶般若波羅蜜
經智慧印者大善不可得聞也菩薩求道欲
得作佛要當得摩訶般若波羅蜜經摩訶般
若波羅蜜者是八方上下諸佛大父母也得
摩訶般若波羅蜜經乃得作佛耳菩薩求道
要當積功累德滿乃聞摩訶般若波羅蜜經
耳菩薩求道不得摩訶般若波羅蜜經者不
得作佛也

佛言其有善男子善女人信向有佛三昧經
名對其跪拜慈心歡喜者其人即得其福後
世亦復得其福壽終盡生天上作天王壽盡
下生世間復作遮迦越王如是壽終生天上

天上壽終下生王侯家展轉天道中無
不復更泥犁禽獸薜荔鬼神龍却後無數劫
皆當作佛其有聞三昧名小有狐疑不信大
如毛髮者其人壽終已入十八泥犁中燒煮
終無有出時然後得出求道者未央作佛也
所以者何佛三昧經是八方上下諸佛要訣
印明也佛言我所語如是汝曹皆當信之無
得疑也誰當證明之者獨有四十恒水邊流
沙諸菩薩是我小弟皆證明之耳
佛說經已文殊師利菩薩等彌勒菩薩等舍
利弗阿羅漢等及諸天人民間經皆大歡喜
起為佛作禮

